



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

González Téllez, Emanuel

Francofurti Ad Moenum, 1690

Capvt IX. a Idem in libro de Sapientia.

[urn:nbn:de:hbz:466:1-74544](#)

CAPUT VII.

a Stephanus Papa.

Stephanus sancta Apostolica & universalis Romana Ecclesiae Episcopus: omnibus per diversas provincias constitutus Episcopis, in Domino salutem. Plurimum gaudemus in Domino, & in dono gratiae ipsius gloriamur, quod fides vestra per bona opera crescit magnificè, & dilatatur amplissimè. Sed nimis affligimur, & tribulamur de vestra oppressione, super qua ceterior commenatum usque ad nos fratrum sermo per latus est. Non oportuerat quidem ab illis, à quibus sustentari, & portari, atque honorari debueratis, tantis vos oppressionibus concuti. Quapropter necessarium est, ut remotis talium tergiversationibus, quibus venenosa malitia revelari, atque osculari bonitas, & veritas solet, adminiculum non modicum vobis à fidibus impendatur, atque ab hac Apostolica Sede suffragetur, quos per divinam gratiam Christi auxilio dignum est adjuvari, ne in totius Ecclesiae perturbationem imprudens procedat intentio, & ea, quæ à sanctis prædecessoribus nostris, & reliquis sanctis Patribus dudum fuerant prohibita, denuò reviviscant. Loci namque nostri consideratione compelluntur, ea quæ ad notitiam nostram emendanda pervenerunt, propter Dominum non derelinqueret, sed digna emendatione corrigere. Et si sæcularibus officiis ordo suus, & tradita à majoribus disciplina servanda est, quis ferat ecclesiasticos ordines temeraria præsumptione confundi, audita negligere, & emendanda non opem ferendo postponere? Audivimus enim, vos à quibusdam accusari, non tam pro vestra culpa, quam pro eorum libitu, ut vestra rapere possint: & ideo vos nimis affligi, & concuti in tantum, ut etiam à sedibus propriis pellamini, & tali occasione Ecclesiae, facultatibusque vestre valetentur, ac deprendentur. Ita, charissimi, non oportet fieri, nec denuò replicari. Tamen necesse est, ut quæ toties usurpantur, sepius replicentur, & prohibeantur. Nam quidquid in sacris Deo rebus, & Episcopis injustè agitur, pro b^{is} sacrilegio reputabitur, qui facia sunt, & violari à quoquam non debent.

NOTÆ.

- I. a **S**tephanus.] In prima collectione, sub hoc tit. c.7. legitur *Idem*: sed male, cum textus hic sit Stephanus I. Pontificis, & non Beda. Verba quæ in præsenti referuntur, referuntur in epistola 2. ipsius Pontificis omnibus Episcopis missa, ex qua integrum clausulam transcripti. Stephanus hic I. Rom.

Pontifex, creatus die 19. Aprilis anno 257. Martyrologio co. onatus fuit die 2. Augusti anno 260. ut referunt Baron. & Coriolanus co anno. Scripti duæ epistolas, quæ extant tom. I. Conciliorum Binii, & apud Baronium tom. II. annal. ex secunda transcriptione fuit preses regula. Similis reperitur, in c. null. 12. q. 2. b *Sacrilegio*.] Sacrilegium quod modis committatur, expedit in cap. c. null. sit 8. de furo compet.

CAPUT VIII.

a Augustinus.

Qui extimore facit præceptum, aliter quam debeat, facit; & ideo jam non facit.

NOTÆ.

- a **A**ugustinus.] Ita etiam legitur in prima collectione, sub hoc tit. cap. 10. ubi notavit

Ant. Augustinus adhuc neminem indicasse, ubi verba hujus textus reperiuntur. Gibalnus credit, sententiam esse D. Augustini in lib. de vera & falsa pœnit. cap. 4.

CAPUT IX.

a Idem in libro de Sapientia.

Defeat peccator, quia offendens in uno præcepto, factus est b^{is} omnium reus.

NOTÆ.

- I. a **I**dem.] Ita etiam legitur in primâ collectione, sub hoc tit. c. II. & apud Gratianum in c. I. de pœnit. dis. I. & extant verba hæc apud ipsum sacramentum in lib. de vera & falsa pœnit. cap. 14. Facit D. Gregorius relatus à Gibalno in præsenti.
- b **Omnium reus**.] Hæc verba sunt D. Iacobi in epist. canonico c. 2. ubi ait: Si autem personam accipitis, peccatum operamini redargiri a lege, quasi transgressores. Quicunque autem tetam legem ser-

vaverit, offendat autem in uno, factus est omnium reus. Quia sententia, quatenus vera sit, difficile est, siquidem multi unum præceptum violant, cetera vero servant: ergo illus tantum re sit. Aliqui autem apud D. Augustin. de vera & falsa pœnit. c. 14. assertunt fieri omnium reum, qui omnia peccata dimisera, per ingratitudinem quodammodo redeunt. Glosa Lyra & alii in dicta epistola D. Iacobi affirmant, fieri omnium reum, quia eandem pœnam damni incurrit, sc. privationem gratiæ, charitatis, virtutum moralium, infilarum, ac ipsius glorie, perinde atque

quæ si omnia peccata violaret. D. August. epist. 29. Qui in uno, ait, offendit, factus est omnium reus, quia contra charitatem facit, unde tota lex penderet. Reus itaque sit omnium faciendo contra eam, à qua pendent omnia. D. Chrysostomus homil. 35. ait: Fit omnium reus, quia perdit Deianicitanam, gratiam, & vitam spiritualem animæ, atq; incurrit mortem spiritualem, & reatum gehennæ, perinde atque qui toto corpore armatus, excepta una parte, in illa lethalem plagam accipit, quia illum occidit æquæ ac si in ceteris omnibus plagam lethalem acceptisset. Cornel. à Lapide in d. epist. D. Iacobi, refert ex Burgeni, & aliis S. Iacobi tempore fuisse hæresim Pharisæorum, qui censebant unum, aut alterum le-

gis præceptum transgredi non esse grave peccatum, quo Deus offenderetur, nisi omnia præcepit, aut potior eorum pars transgredieretur: contra quos afferit Apostolus, eum qui in uno offendit, fieri omnium reum, Deique offensam & iram incurre, utpote qui tam unum, quam alterum præcepit; qui enim universam legem condidit, singula quoque ejus præcepta dedit. Etiam textus hic accipi potest de reatu peccata damni, quæ responderet aversioni, in qua convenienter omnia peccata, licet non comitentur inter se. Tapiæ tom. I. catena morib. 3. q. 5. art. 5. ubi in fine etiam aliter explicat cum D. Augustino serm. 60. de tempore, & epist. 29. quoad detractionem charitatis, quæ est plenitudo legis.

C A P U T X.

a Gregorius Ioanni Episcopo Constantinop.

QUAMVIS causæ consideratio me movet ad scribendum, tamen & charitatis impellit quia & semel, & bis sanctissimo fratri meo domino Joanni scripsi, sed non ejus epistles recepi. Alter enim mihi secularis quidam sub ejus nomine loquebatur; quæ si epistolæ ejus fuerint, ego vigilans non fui, qui longe de eo alteri credidi, quam inveni. De causa enim Reverendissimi viri Ioannis presbyteri scripsiteram, atque de qua questionibus monachorum Isauria, quorum unus & in sacerdotio positus, in Ecclesia vestra fuitibus cæsus est: & rescriptis mihi, sicut ex nomine epistolæ agnosco, sanctissima fraternitas tua, quia nescierit de qua causa scribeberem. Ad quod scriptum vehementer obstupui, mecum tacitus volvens; si verum dicit, quid esse deterius potest, quam ut agantur talia contra servos Dei, & ipse nesciat qui praefecit? Quia enim potest esse pastoris excusatio, si lupus oves commedit, & pastor nescit, &c.

N O T Æ.

I. a **G**regorius.] Ita etiam legitur in prima collectione, sub hoc tit. cap. 14, & reperitur textus hic in ipso Registro Epistolarum D. Gregorii, lib. 2. epist. 52. ex qua restituo præsentem regulam; non tamen integrum epistolam transcribo, quia verba, quæ sequuntur, parum aut nihil faciunt ad præsentem regulam, in qua tantum intendit Gregorius docere, non excusari Prælatum proprium prætextu ignorantia, si oves pereant, cum regulariter pastores vigilare debeant, c. tres, 23. q. 4. & ideo omnem custodiā præstant, i. qui mercedem, ff. locari, idoneum prælatum ex negligētia teneri, docetur in cap. dictum, 81. diff. & in his que ad officium spectant, teneri Prælatos, & officiales sese diligenter gerere, ex hoc textu, & multis instantiis probat Alber. Gentil. lib. I. Hispan. advocat. cap. 19.

C A P V T XI.

a Lucius III. Eborac. Archiep. & London. Decan. & Abbari de Filien.

RETULIT nobis dil. fil. noster I. Archidiaconus ^b Cistren. quod Episcopus ejus pro eo, quod decanatum; tanquam quem sibi de jure credit competere, vindicare laborat, ipsi prorsus infestus, jura ipsius minuere, & quæ ad Archidiaconatum de consuetudine, & de jure spectare noscuntur, turbare, & subtrahere post appellationem ad. Sedem Apostolicam factam non desistit. Præterea homagium, & fidelitatem novam ab eo pro sua requirit voluntate. Volentes itaque patientia, & justitia ipsius Archidiaco-ni paterna dilectione providere, d. v. per A. s. m. quat. inquisita diligentius veritate, si eum prædecessori Episcopo, & successoribus ejus fidelitatem jurasse confiterit, jam dictum Episcopum ex parte nostra moneatis, & Ecclesiastica censurâ nullius ap. ob. auctoritate nostrâ cogatis, ut jura Archidiaconatus integrè possidere sine contradictione, & apercepsit, permittat, & ab exactione homagii, & fidelitatis omnino desistat: indignum siquidem est, & à Romana Ecclesiæ consuetudine alienum, ut pro spiritualibus facere ^c homagi-um quisquam compellatur.

N O T Æ.

ex cap. 2. de excessib. Prælat. in 2. collect.

b Cistren.] De Cistrensi, seu Cicefrensi Angliae Ecclesia egi in cap. 2. de corpore virtut.

c Facere homagium.] Textum hunc exposui in cap. ex diligenti, de simonia, cap. 2. de jure jur.

27

FINIS LIBRI QVINTI DECRETALIVM.